

**NAWEEK** REIS

# Luuksste gemak en styl

Die nuwe boetiekhotel Atholl Place, 'n klipgooi van Sandton, sal gaste verstom.

**V**an buite skep die twee moderne, vensterryke wit geboue en massiewe bome 'n gevoel van rustigheid.

Binne is die interieur elegant in wit, grys en swart, maar daar wag 'n verrassing om elke hoek: luukse materiale, pragtige skilderye deur

Lynette ten Krooden, perspektief-tafel-gevol met stokke of saagsels.

Atholl Place, wat begin Oktober oopgemaak het, is Gerhard en Sumari Krige se klein, luukse boetiek-hotel in Atholl in die noorde van Johannesburg. Die oorspronklike grasdakhuis is in die 1970's gebou. Die Kriges het dit gekoop en wou dit restoreer as tuiste naby Sumari se binnenshuisontwerpwinkel, La Grange Interiors, en Gerhard se eiendomsontwikkelingmaatskappy se kantore in Kramerville. Maar die projek het ontaard in dié pragtige boetiekhotel wat 18 maande geneem het om te voltooi.

Met die hulp van die gerepekteerde Frans-Belgiese argitek mnr. Pierre Lombart en die bekende binnenshuisontwerper me. Adele van der Merwe, het die Kriges dit omkep in die moderne dog elegante Atholl Place.

Die hotel is gerieflik naby aan Sandton se stadskern en minder as 'n kilometer van die Sandton-stasie van die Gautrain, wat in aanbou is. Vanaf die stasie kan gaste maklik na die OR Tambo-lughawe ry, maar Atholl Place het ook 'n pendeldiens na die lughawe.

Die tien kamers – vyf superieure kamers, vier luukse kamers en een mini-luukse kamer – lyk elk anders anders. Die vyf groot kamers is elk minstens 50 m<sup>2</sup> groot.

Die kamers spog met onder meer lugversorging en ondervloerse verhitting, 'n 42 duim-LCD-plaatskermtelevisie met M-Net en DStv, komplimentêre ADSL-internettoegang, 'n elektroniese kluis groot genoeg vir 'n skootrookenaar, 'n koffie- en teemaker en 'n haardroër. Die beddegoed is katoenbatik uit Italië en eendvoer-duvets.

Atholl Place spog ook met 'n stylvolle eetkamer en sitkamer, 'n gemaklike biblioteek – wat in konferensiegeriewe omkep kan word –



## Kontak

Die eetkamer, waar heerlike ontbyt en ligte middag- en aandetes, voorberei deur Atholl Place se sjef, bedien word.

met 'n kaggel, 'n groot swembad, gimnasium en sauna, sowel as 'n informele kroeg by die swembad.

Eter by die hotel is nie oop vir mense wat nie gaste is nie en geen kinders onder 12 jaar word toegelaat nie.

Atholl Place is in Pretoria-laan 90, in Atholl, Sandton, Johannesburg, geleë.

Vir meer inligting of om te bespreek, skakel ☎ 011 783 3410, e-pos info@athollplace.co.za of besoek [www.athollplace.co.za](http://www.athollplace.co.za).

“Ons het die luuksste materiale en meubels gebruik met die klem op gemak en styl,” sê Sumari Krige oor Atholl Place.

